



Quotidiana Christiani Militis Tessera

Stanyhurst, Guillaume

Coloniæ Agrippinæ, 1682

1. Dies Februarii. Dignior sequetur effectus, quem teruentior præcedit affectus. August. Epist. 121.

Nutzungsbedingungen

[urn:nbn:de:hbz:466:1-55659](https://nbn-resolving.org/urn:nbn:de:hbz:466:1-55659)

Januar.

Tessera.

85

& salutis nostræ sempiternæ non solum negligentēs, sed hostes capitalissimi, torpemus in nostra meliori causa, nihil in tota mæssuri æternitate, nisi cujus brevi nunc vitæ hora sementem fecerimus? Evigilemus tandem, & aliquid sobrii consilii ineamus. Si nobis centenariō labore milliestantum lætitiæ ac delitiarum deferatur, magna profectò & quæstuosissima gratiâ præstetur. Unius horæ patientiâ cum æternitas omnis suis exundans gaudiis defertur, qua mente nos esse necesse est, quàm diligenter, & avidè horâ illâ uti, vitæ scilicet hujus brevitate. Planè, siquidem ait D. Augustinus: *Pro æternæ requiæ, labor æternus subeundus esset, & æternam felicitatem accepturus æternas passiones sustinere deberet.* Quantò magis delectationes horrere noxias, ac momentaneas, æterno nihilominus cruciatui nobis futuras. Si quod est damnum, quod deberet nobis extorquere ex oculis lachrymas, è pectore suspiria, ex ore lamenta, deberet esse damnum temporis. Dicergò cum Poëta.

Damna fleorerum, sed plus fleo damna dierum:

Quisquis potest rebus succurrere, nemo diebus.

I. DIES FEBRUARII.

Dignior sequetur effectus, quem ferventior præcedit affectus. *August. Epist.*

121.

Novus mensis, novo inchoandas fervore.

ECce hic secundi mensis diem primum, qui ut animo tuo sit secundus, debet tibi esse cura prima. Ut hujus mensis tempore utaris cum fœnore, multum conduceet, si præcedat

F 3

cedat

cedat illius benè utendi fervens desiderium. Nam secundùm mensuram affectus, erit & effectus. Ut hic ex voto sequatur, in hoc elabora, ut tota tua hujus mensis opera, sit opus bonum. Imò totum tuum negotium, sit mala pati, & bona facere. Velis, nolis, semper, & ubique necesse est pati, vide ut cum usum patiaris. Hoc tibi certò persuadeas, plus patiendum esse, quàm vivendum, nec modum, nec partem vite esse expertem laboris. Unum malum quod patieris, gradus est ad aliud quod patieris; & unus labor, est hæres alterius. Si hunc fugis, sequentem non effugies. Labor aliquis tibi est certus, qui subeundus est, aut cum lucro, patientiâ, aut cum damno, pœniten-tiâ. Solum igitur commutare possumus laborem, non declinare. Vide igitur cui velis hujus mensis, quem hodie auspicas, laborem consecrare, tempo-ri an æternitati, & in ea pœnæ, an gloriæ, Deo an mundo, tibi an hosti tuo?

II. In hoc plurimi, ne dicam plerique pernicio-sissimè errando hallucinantur, quod censeant, ut sa-lute potiantur, non esse necessarium, tantum ad perfectionem conatum. O imbellis! Quid curas de beatitudine tua tam miserè? de salute tua tam perni-ciosè? De gloria Dei tam abjectè, & limitatè, quæ est immensa? Amabo te, si salus tua penderet, non solum ab observatione mandatorum, sed etiam Christi consiliis, & simul in tua perfectione staret, & dependeret salus omnium, qui fuerunt, sunt & erunt hominum, Angelorum, ac B. Virginis, & liberatio Christi à cruce, ut tantum allequereris bonum, quan-tum vix ullum potest esse majus, nonne quidquid tu-æ est industriæ, quidquid posses subire laboris, quid-

quid valeres omnibus, & Naturæ, & Gratiæ, corporis, & animi viribus, id totum conatu toto impenderes, ut perfectionem assequereris, non nescius tui unius laborem, fore omnium salutem? Nunc igitur attende, & maturè expende, majus, quàm dixi, propono bonum, hoc est Gloria Dei, & beneplacitum Divinum, quod multò est majus, quàm salus omnium hominum per se considerata, & quàm ipsa vita Humanitatis Christi.

III. Cùm igitur tanti sint pretii singula tua opera, ut possis quolibet placere Deo, & augere gloriam Dei, seriò illa hoc mense propone sic aggredi, ut velis facere perfectiùs, quàm unquam antehac, ad utilitatem triumphantis in cœlo, militantis in terra, & patientis sub terra, Ecclesiæ; ad Dei honorem, tuam salutem, aliorum utilitatem, omnium exemplum. Sic perage quodlibet opus, ac si Deus ex creatione mundi, & redemptione hominum, & præparatione gloriæ pro hominibus, non expectasset alium fructum, quàm hoc quod agis opus. Perindè ac si tota tua salus, & simul omnium hominum & gloria Divinitatis penderet de minimo tuo opere. Imò sic te in quovis opere impende, ac si aliud nullum posthac esses repetiturus, sed statim absoluto hoc opere, moriturus; ac ita illud opus foret, totius vitæ, inter omnia opera postremum. Ne igitur parcas labori levi, cum jactura meriti tanti. Ne frustres finem tuum, sed conare imitari cum gratia Dei pulcherrimos conatus naturæ semper curantis fructus suos meliores quoad possit producere tibi, ut tu perfectiori modò possis servire Deo. Memineris semper obsequia tua omnibus modis diminuta esse, nec posse sic

se fieri æqualia Gloriæ, quæ tibi promissa est, nec pœnis inferni quas meritus es, nec laboribus Christi, quos pro te pertulit, nec beneficiis Dei, quibus te oneravit, nec ejus bonitati immensæ, cui tu servis.

19. 2. DIE FEBRUARII.

Quidquid Maria egit, disciplina est. S.
Ambros. lib. 2. de Virginibus.

Invocanda
Dei-
para.

TRes hodie in Templo Salomonis, veluti in celeberrimo theatro, personam sibi à Deo impositam, summa cum dignitate sustinebunt, Infans, Virgo, Senex. Infans simul, & antiquus dierum, Virgo simul, & Mater; Senex simul, & Vates. Infans, Filius Dei; Virgo Mater Dei; Senex servus Dei, Jesus, Maria, Simeon: quot nomina, tot Numina. Quidquid egerunt singuli, disciplina est. Primus sit ordine, qui primus dignitate, Jesus. Ingressus est Infans templum ut observaret legem, qui ipse tulerat legem. Sed quidquid ipse fecit, nobis lex est: quia omnis ejus actio, nostra est instructio; Christi imitatio, Christianorum est perfectio. Hunc Infantem sequi est dignitas, assequi fœlicitas. Non est quod timeas falli, dum crucem pro delictis, opprobria pro honoribus, nuditatem pro opibus suadet; qui suadet, est Veritas, nec erravit, qui sic agendum judicavit, quia qui judicat, est Sapientia. Nec est, quod diffidas, est idem summa Bonitas, summa Potentia: his tamen rebus te redemit, & speras te aliis redimendum; Tua salus iisdem operibus incipitur, & perficitur. Hic te Christus voluit redimere,